

Faamatalaga mo mātua ma i latou o loo tausia tamaiti



Sevei a Kuiniselani i Fesootaiga Lelei ma le Soifua Manuia

Aisea ua matou faia ai le sevei?

Matou te iloa o le soifua manuia ma fesootaiga lelei, o vaega tāua o le olaga o lou alo i le a'oga. O loo saili e le matagaluega ma la outou a'oga ni auala mo le aoaoina mai o faamatalaga e faatatau i nei vaega tāua ina ia mafai ona tatou lagolago atu ia tatou fanau a'oga i se auala e sili ona lelei.

O le Sevei a Kuiniselani i Fesootaiga Lelei ma le Soifua Manuia (Queensland Engagement and Wellbeing - QEW) ua faatulaga ina ia fua ai le auala o loo manatu ai tamaiti o loo aooga i a'oga a le malo, i lo latou soifua manuia ma a latou fesootaiga lelei. O i'uga mai lenei sevei o le a matou iloa ai le tulaga o loo iai le soifua manuia o fanau a'oga ma le lelei o a latou fesootaiga. O faamatalaga nei o le a mafai ai ona lelei le faatinoga o la matou fesoasoani i fanau a'oga ma faatino o latou manaoga.

O afea o le a faatino ai le sevei?

I le 2021, o le a faatino ai le Sevei a le QEW i le va o aso nei:

Kuata 2

Aso Gafua 31 Me e oo i le Aso Faraile 25 Iuni, 2021

O le a filifili lava e le a'oga a lou alo le aso, i totonu o aso nei e fetau ma latou.

O le ā e faasino i ai le sevei?

E tele vala o le a fua ai e le sevei le soifua manuia, o fesootaiga lelei, ma mea uma e tutupu i tamaiti a o iai i le a'oga. E aofia ai fesili e faatatau i le:



maugafatia le tulaga lelei o le a'oga lagona o le amanaia
uuna'iga o gaoiga ma uiga finafinau lagona o le tamaitiiti
i ona lava ausiaga faalea'oa'oga
tomai e faifaimea na o ia ma faifaimea faatasi ma isi
faamalieleina i le olaga masani
se vaaiga taula'i i le lumanai ma ni faanaunauta'iga soifua
maloloina lautele
faiā ma ana tupulaga, faia'oga ma i lona aiga

Faamatalaga mo mātua ma i latou o loo tausia tamaiti

O ā mea e fai pe a auai?

O le a faatulaga e faia'oga le faia o se sao o fanau a'oga i le Sevei i luga o le initaneti i le taimi o loo fai le vasega. Pe ā ma le 30 minute le umi e faamae'a ai. O le a iai faia'oga ma/poo tagata lagolagosua e mafai ona fesoasoani i lou alo pe afai na te moomia se fesoasoani faaopoopo.

Pe tatau ona auai lou alo?

E tuu lava i le faitalia pe fia auai i le sevei. **O le a lē afaina fua a'oa'oga a lou alo pe afai e filifili e lē fia auai.** O le a fesiligia foi lou alo pe manao e auai a o lei amataina le sevei. O le a pule lava latou pe afai e toe filifili e taofi pe toe oese mai le sevei i soo se taimi. **Faamolemole ia faafesootai mai le a'oga pe afai e te lē manao e auai lou alo i le sevei a le QEW.** Atonu o le a lafo atu pea se imeli e valaaulia ai lou alo e auai, ae o le a lē mafai ona ia faia le sevei e aunoa ma le uputatala faalilolilo a le vasega.

O le a faapefea ona teu faalilolilo faamatalaga o lou alo?

O le a teu faalilolilo faamatalaga e aoina mai a o faagasolo le sevei. O le a lē faailoaina faamatalaga totino i soo se tasi e lē o aofia i le Matagaluega o A'oga a Kuiniselani (Queensland Department of Education). O le a teu e le Matagaluega o A'oga a Kuiniselani faamaumauga e tusa ai ma ta'iala maumaututū. O loo ogatusa lava le faatinoga o le aoina o faamatalaga ma le *Educational General Provisions Act (2006)* faapea le *Information Privacy Act (2009)*.

O le a faapefea ona lipotia tali a lou alo?

O le a lē faailoaina poo ai tamaiti a'oga e ana tali na fai. E pau le itu o le a toe lipotia atu ai i le a'oga, ina ia avea ma vaega o o latou lipoti e fai mo le tausaga. E leai se tasi i le a'oga a lou alo, o le a mafai ona latou vaai i tali a tamaiti taitoatasi.

